

ՀԱՅԱՍՏԱՆԻ ՎԻՃԱԿԸ ԽԱՂԲԱԿՅԱՆՑ ԾԱԳԾԱՆ ԺԱՄԱՆԱԿ.

Բազրատունյաց թագավորության անկմամբ և Սելջուկյան արշավանքներով ցիր ու ցան եղան կամ վոչնչացան հայ իշխանական տոհմերը. ԺԱ. դարու կեսերից սկսած մինչև ԺԲ-ի վերջին քառորդը համարյա վոչինչ նշանավոր բան չենք լսում նրանց մասին բուն Հայաստանում. Բազրատունյաց, Արծրունյաց և Սյունյաց մնացորդներն այնքան աննշան էյին, վոր քաղաքական կարևոր դեր կատարել չէյին կարող: Չյիշենք ավելի յերկրորդական տոհմերը, վորոնք իրենց գոյությունը միայն պահում էյին Արցախի և Գուգարաց լեռներում և Մամիկոնյանց մնացորդները Սասնո փոքրիկ իշխանության մեջ. կային և Պանլավունյաց մնացորդներ Շիրակում կամ Անիում:

Բայց Սելջուկյան միահեծան պետության տևողությունն էլ յերկար չտևեց. ԺԲ. դարու առաջին քառորդից արդեն սկսվում է նորա քայքայման շրջանը. ներքին յերկպառակություններն ու պատերազմները թուլացնում յեն այս անարկու պետության հիմքերը. Բարքարուքի (Բեկի—Արուխ), Մուհամմեդի* և նորա եղբոր Սինջարի պայքարները նրանով վերջացան, վոր 1104թ. Մուհամմեդին բաժին ընկավ բացի Ատրպատականից և արևելյան Հայաստանից, վոր յուրն էր արդեն, նաև Ասորիքն ու Միջագետքը և արևմտյան Իրանը: Նա վերջին գորեղ սուլթանն էր, վորի մահվանից հետո († 1118 թ.) ներքին յերկպառակություններն ավելի գորեղ կերպով զլուխ բարձրացրին նրա յերեք վորդոց ժամանակ, էրբ եմիրները անկախ կամ կիսանկախ իշխանություններ դարձան ի վրաս կեդրոնական իշխանության**։ Հայաստանում դեռ ևս Մուհամմեդի փոխարքա յեղած ժամանակ Գանձակը դարձել էր Առանի, ինչպես կոչում էյին այդ ժամանակ Աղվանից աշխարհը, կեդրոնական քաղաքը և կարևոր դեր էր կատարում հետագայում ևս յուր արքայազուն իշխաններով. բայց մյուս քաղաքներն ու գավառներն էլ ունեյին իրենց եմիրները, ինչպես Անին, Դվինը,

Կարսը, Խլաթը, Կարինը ևն, մեկը մյուսից անկախ և շատ հաճախ իրար հետ մրցող իշխանություններ, ինչպես և յերբեմն յերկրի ընդի տերերն էյին: Հիշատակելի են հատկապես Անիի Մանուչյանք (1072—1199), Ատրպատականի աթարեղներն (1136—1225) ու Խլաթի Շահարմենները (1100—1206/7), վորոնք մի մի դարու չափ իշխեցին իրենց յերկիրներում վորդոց վորդի* և Հայաստանի բաղդի՝ վերա իրենց ազդեցությունն ունեցան. 1207 թ. հետո Խլաթը Սուբամանի հաջորդների ձեռքից անցնում է Եյուբյաններին:

Սելջուկների հարվածը համեմատաբար ավելի թույլ էր եղած Վրաստանում, ուստի և այստեղ ավելի վաղ պիտի զարթներ անկոչ հյուրերից յերկիրն ազատելու ձգտումը: Ընդհարման առիթը տվավ Գանձակի Սազի կամ Ելխազի ամիրան, վոր 1121 թվին հարձակվեց Վրաստանի վերա. Գավրիթ Ա. վոչ միայն յետ մղեց այս հարձակումը, այլ և Տիխիսի սահմաններում մեծ ջարդ տվեց Մելիք Սուլթանին, վոր յեկել էր Սազի ամիրայի վրեժն առնելու: Սկիզբն էր այս մի շարք հաջողությանց. ազատված էր վոչ միայն Տիխիսը, վոր յերկար դարեր հեծել էր մահմեդական լծի տակ, այլ և զբացի Հայաստանի մի քանի գավառները Անի մայրաքաղաքով, ուր կուսակալ նշանակվեց Որբելյան ցեղից Աբուլթեր Իվանս վորդու հետ**։ Անիի առման մեծ չափով ոժանդակ հանդիսացան հայ բնակիչները. հայ իշխանական տոհմերի մնացորդներն էլ խմբվեցան Գավթի և նորա վորդի Դեմետրեյի շուրջը, վոր ըստ Ուռնայեցու հայ կնոջ գավակ էր. թեպետ Փատուունը կրկին յետ ստացավ Անին, բայց Սելջուկյան զենքի թափն արդեն կտրված էր, և նոքա ստիպված էյին ավելի մեղմ վարվել բնակիչների հետ: Դեմետրեյի վորդին Գեորգի Գ. 1161/2 թվին Փատուունի և հատ-

* Ուռնայեցին (Վաղարշապատ. 1898, էր. 298, 330, 341) և Վարդան (Մոսկվա. 1861, էր. 149, 155) Տափար են անվանում Մուհամմեդին:
** A. Müller, Der Islam in Morgen und Abendland. II. 120. A. Мюллер, История Ислама. СПб. 1896. Т. III. էր. 127—147: Ժամանակը լու բնորոշում է Որբելյան. Ղուկ. հրատ. յեր. 319. 333:

* Ուռնայեցի էր. 311/2. 348. 359 365. Ուռնայեցի—Գրիգոր յերեց. 425.—Սամուել Անեցի. Վաղարշապատ. 1883. էր. 118. 132 125.—Գանձակեցի. Թիֆլիս. 1909. էր. 169. 171. 154. 155/6. Վարդան. 145. 156. 161/2. Որբ. 393. Ալիշան. Շիրակ. 98.—СТЭНЛИ Лен—Пуль. Мусульманскія Династїи. перев. Бартольда, СПб. 1899 էր. 143—144. Brosset. Histoire de la Georgie. S. Petersburg. 1849 p. 367. 370.
** Ուռնայեցի. 348—350, 356. 359. Սամուել Անեցի 125.—Վարդան 156: